

Izjava: Paket mjera u vezi sa starom deviznom štednjom je najbolji mogući u trenutnoj situaciji u BiH

Vijeće ministara BiH je danas objavilo pravno mišljenje u kojem se navodi da bi predložene izmjene i dopune Zakona o utvrđivanju i izmirenju unutrašnjeg duga po osnovu stare devizne štednje – kojim bi se period otplate smanjio na pet godina – predstavljale teret koji bh. javne finansije ne bi mogle izdržati i ugrozile bi redovne isplate osobama čija je štednja zamrznuta 1991. godine.

OHR pozdravlja mišljenje koje je dalo Vijeće ministara, a koje je zasnovano na realističnoj procjeni sposobnosti BiH da ispoštuje svoje finansijske obaveze, te apeluje na članove Parlamenta BiH da djeluju u najboljem interesu zemlje i osoba kojima se duguje novac kao rezultat zamrzavanja deviznih računa time što će se isplata štediša obavljati u okviru postojećeg zakona. Postojeći paket mjera predstavlja maksimalnu nadoknadu koja je moguća u ekonomskoj situaciji u kojoj se BiH nalazi.